

Langkah ke IPT

Peroleh akreditasi sehingga 2021

➔ Kejayaan buktikan COE UNITEN sentiasa pentingkan mutu pembelajaran

Oleh Mohd Khairul Anam Md Khairudin
khairul.anam@bh.com.my

► Bangi


Kolej Kejuruteraan (COE) Universiti Tenaga Nasional (UNITEN), di sini, memperolehi pengiktirafan akreditasi lima tahun daripada Majlis Akreditasi Kejuruteraan (EAC) pada Januari lalu untuk semua Program Sarjana Muda Kejuruteraan

yang ditawarkan.

Bagi program Ijazah Sarjana Muda Kejuruteraan Elektrik Kuasa, Ijazah Sarjana Muda Kejuruteraan Elektrik dan Elektronik, Ijazah Sarjana Muda Kejuruteraan Mekanikal dan Ijazah Sarjana Muda Kejuruteraan Sivil; masing-masing menerima akreditasi sehingga 2021, manakala Ijazah Sarjana Muda Kejuruteraan Komputer dan Komunikasi menerima akreditasi sehingga 2020.

Jaminan pekerjaan

Kejayaan itu membuktikan usaha berterusan UNITEN yang sentiasa mementingkan kualiti pembelajaran pelajarannya, sekali gus memastikan graduan yang bakal dilahirkan kelak adalah mereka yang dapat memenuhi permintaan dan keperluan industri. Lebih membanggakan, kadar kebolehpasaran graduan kolej yang mendapat jaminan pekerjaan sebanyak 95 peratus



Pelajar mendapat pendedahan berkesan menerusi latihan amali.

turut menjadi teras utama kepada universiti itu ke arah melahirkan graduan berkebolehan, kognitif tinggi, berkemahiran dan berdaya saing.

Malah, kejayaan yang dicapai itu jelas memperlihatkan komitmen warga kolej, terutama pensyarah yang bersungguh-sungguh memastikan penambahan lebih ramai graduan dalam bidang profesional pada masa akan datang.

info.

UNITEN

➔ **Antara** universiti swasta pertama di Malaysia dan dimiliki sepenuhnya oleh Tenaga Nasional Berhad (TNB)

➔ **Tumpuan** kepada bidang kejuruteraan, teknologi maklumat, pengurusan perniagaan dan bidang berkaitan

➔ **Komited** membangunkan pelajar serba boleh dan memiliki pandangan intelektual yang luas

➔ **Menyambut** ulang tahun ke-20 tahun ini

➔ **Komited** untuk menjadi universiti berdaya saing pada peringkat global pada 2020